



*Rudy Lampe (RED) invitando publico pa e charla encuanto Cannabis:*

## **“Nos no tin miedo pa uza pildo cu hende a traha, pero nos tin miedo pa uza mata cu Dios a traha”**

DIAMARS 26 di maart na Atia Building lo tuma lugar un charla encuanto e mata di cannabis. Sra Julie Holland, kende ta professor den psiquiatria clinico lo duna un splicacion di e uzonan di cannabis. Segune, Cannabis ta un mata cu tey desde comienso di tempo y semper a wordo uza medicinalmente. E mata tin e capacidad pa lanta appetit, kita mareo, e por baha inflamacion y relaha e musculonan, bringa malesanan di e sistema di inmunidad di bo curpa.

E extracto di cannabis asta por wordo uza como fuel. Y den transcurso di añanan a wordo demonisa pa motibonan financiero y di poder. Como dokter e lo kier prescribi cannabis pa su pashentnan y esaki ta solamente posibel si e ta legal. Tin hopi mito ta bai rond pa loke ta e efectonan di cannabis y un cu sigur no ta berdad ta cu e ta destrui bo cerebro. Ningun componente di e mata aki por dañá bo curpa y cerebro. Cigaria y alcohol lo matabo mas liher cu e uzo di marihuana. Marihuana no ta toxico pa bo curpa. Tampoco Marihuana lo haci bo adicto. Al contrario, hopi dokter na Merca ta laga e usadonan di droga uza marihuana pa asina nan tin menos efecto di e uzo di droganana manera cocaine y heroína.

Durante e charla tanto Julie Holland como su co-autor Jeremy Wolff lo duna un splicacion amplio riba e mata medicinal aki y su influencia den politica, ciencia, medicina y otro terenonan. Diamars e charla ta cuminsa 7.30pm y diaranson e ta cuminsa 6.30pm. Entrada ta 50 florin.